

ԲԱՆԱՍՏԵՂԾԱԿԱՆ

ԿԱՆԳ ԱՌԻ ԴՈՒ ՄԻ ՊԱՀ

Կանգ առ դու մի պահ, սիրելի եղբայր,
 Տկար եղբայրըդ ասելիք ունի:
 Դու մի՛ շտապիր կանգնել գլխիվայր,
 Օ՛ր, այդ վիճակը վտանգներ ունի...
 Քո շրջուած պահին, թէ մարդ մօտեմայ,
 Քեզ՝ գլխիվայրիդ, այնպէս կը թրւայ
 Թէ հիմա, հիմա քեզ կը տրորի,
 Քանզի գըլուխդ՝ մօտն է ոտքերի:
 Ու ամեն մէկին կը տեսնես շրջուած,
 Կը տեսնես նրանց գլխիվայր կախուած...
 Եւ կը պարսաւես նրանց դու ի գուր,
 Թէ ինչո՞ւ այդպէս, թէ՛ մեծ, թէ՛ պունուր,
 Արագ անցնում են, մօտիցըդ գնում,
 Բայց դու այդպէս էլ տեղում ես մնում:
 Որ բոլոր մարդիկ շրջուել են մէկից,
 Խօսքը մէկ արած՝ նայում են վերից:
 Որ միայն դու ես շիտակ վիճակում,
 Իսկ մնացածը՝... չեն շտկուի կեանքում:
 Քեզ կը թրւայ, թէ նրանց պատճառով,
 Նրանցից լսած անհմաստ ճառով
 Առաջ չես գնայ, ինչքան էլ փորձես,
 Չեն գնահատի, ինչքան էլ գործես:
 Այդ բոլոր մարդիկ կ'անցնեն կը գնան,
 Քանզի քայլում են նրանք ոտքերով,
 Իսկ դու այդպէս էլ տեղում կը մնաս,
 Եթէ գլխիվայր վիճակում կենաս:
 Քանզի գլխով են մարդիկ մտածում,
 Ոտքով՝ ման գալիս, նոյնիսկ՝ կախում,
 Իրենց սեփական մեղքը չեն թողնում,
 Հարեւանների մեղքերը «քաւում»...
 ...Դեհ, բաւական է, շրջուիր դու կրկին,
 Կանգնիր ոտքերիդ, նայիր երկնքին...
 Յիսուս Փրկիչդ կանչում է նորից,
 Սիրով կ'ընդունի, նա թանկ է մօրից:
 Հոգիդ կը փրկես այդպէս անելով,
 Մեղքի աշխարհը քեզնից վանելով,
 Դէպի Յիսուսիդ բաց գիրկը գնայ
 Եւ նրա խոցուած ձեռքերում մնայ...

ՄԻՇԱ ՍՎԱՐԵԱՆ